



JU UNIVERZITET U ZENICI

PRAVILNIK

o repozitorijima doktorskih i magistarskih radova Univerziteta u Zenici

Zenica, juli 2015. godine

Na osnovu člana 53. stav (2) tačka b) Zakona o visokom obrazovanju (Službene novine Zeničko-dobojskog kantona, broj: 6/09, 9/13 i 13/13), člana 19.a stav (2) alineja (3) Zakona o JU Univerzitet u Zenici (Službene novine Zeničko-dobojskog kantona, broj: 6/05, 11/06, 6/09, 10/11, 16/11, 15/12 i 13/13) i člana 63. stav (2) tačka c) Statuta Univerziteta u Zenici (Prečišćeni tekst), Senat Univerziteta u Zenici, na svojoj 07. sjednici održanoj 15.07.2015. godine, donio je

PRAVILNIK o repozitorijima doktorskih i magistarskih radova Univerziteta u Zenici

I OSNOVNE ODREDBE

Član 1. (Predmet Pravilnika)

Ovim Pravilnikom regulira se način formiranja i uređenja Repozitorija doktorskih radova i Repozitorija magistarskih radova Univerziteta u Zenici (u daljem tekstu: repozitoriji) kao jedinstvenih baza podataka koje će se sastojati od doktorskih i magistarskih radova, pohranjenih u elektronskom obliku, odbranih na Univerzitetu u Zenici (u daljem tekstu: Univerzitet).

Član 2. (Repozitoriji)

(1) U repozitorije se pohranjuju doktorski i magistarski radovi, u elektronskom obliku, u *Portable Document Formatu* (PDF/A), koji su odbranih na magistarskom i doktorskom studiju Univerziteta u Zenici, od dana stupanja na snagu ovog Pravilnika, uz saglasnost autora.

(2) U Repozitorij doktorskih radova, koji će biti dostupan na web-stranici Univerziteta, pohranjuju se doktorske disertacije, a u repozitorije magistarskih radova, koji će biti dostupni na web-stranicama fakultetâ Univerziteta, pohranjuju se magistarski radovi odbranih na tim fakultetima.

Član 3. (Rad u elektronskom obliku)

(1) Kandidat, uz štampanu i ukoričenu verziju dokorskog ili magistarskog rada, prilaže i rad u elektronskom obliku (PDF/A fajlu) pogodnom za trajno arhiviranje.

(2) Rad u elektronskom obliku (PDF/A fajlu) potpuno je istovjetan svojoj pisanoj/štampanoj varijanti.

(3) Naziv elektronskog fajla rada daje se po prezimenu i imenu kandidata.

Član 4. (Prilozi elektronskom obliku rada)

(1) Rad u elektronskom obliku (PDF/A fajlu), obavezno sadrži sljedeće priloge:

- a) Skeniranu vlastoručno potpisanu izjavu o autorstvu u kojoj stoji da je rad rezultat autorovog istraživačkog rada i da on nije kršio autorska prava drugih lica;
- b) Skeniranu vlastoručno potpisanu izjavu da je elektronski oblik rada (PDF/A fajl) istovjetan njegovoj štampanoj ukoričenoj verziji;
- c) Skeniranu vlastoručno potpisanu izjavu da Univerzitet, odnosno njegove organizacione jedinice, imaju pravo da elektronsku verziju rada pohrane u digitalni repozitorij Univerziteta, odnosno fakulteta, odnosno da imaju pravo činjenja dostupnim javnosti njegov rad.

(2) Obrasci izjava kandidata su sastavni dio ovog Pravilnika, definirani u aneksu Pravilnika.

Član 5.
(Prilozi u štampanoj verziji rada)

Ukoričena štampana verzija rada, sadrži iste priloge kao i njena verzija u elektronskom obliku koji su definirani u prethodnom članu ovog Pravilnika.

Član 6.
(Dostava i pohrana rada)

(1) Doktorski rad u elektronskom obliku, odnosno PDF/A fajl pohranjen na CD-u (*Compact Discu*), zajedno s istovjetnom štampanom varijantom rada koja je ukoričena, dostavlja se Univerzitetskoj biblioteci Univerziteta u Zenici koja ih trajno čuva.

(2) Magistarski rad u elektronskom obliku, odnosno PDF/A fajl pohranjen na CD-u (*Compact Discu*), zajedno s istovjetnom štampanom varijantom rada koja je ukoričena, dostavlja se biblioteci fakulteta Univerziteta na kojoj je odbranjen rad, koja ih trajno čuva.

(3) Biblioteke elektronske verzije rada (PDF/A fajlove) dostavljaju web-administratoru Univerziteta, odnosno fakulteta, da ih pohrani u odgovarajući repozitorij i tako učini dostupnim javnosti.

II PRIJELAZNE I ZAVRŠNE ODREDBE

Član 7.
(Aneks Pravilnika)

Sastavni dio ovog Pravilnika čine aneksi, pod nazivom:

- a) Izjava o autorstvu;
- b) Izjava o istovjetnosti štampane i elektronske verzije rada;
- c) Izjava o korištenju.

Član 8.
(Primjena i provedba Pravilnika)

(1) Ovaj Pravilnik primjenjuje se za sve postupke nakon formiranja repozitorijâ doktorskih i magistarskih radova Univerziteta.

(2) Nadzor nad provedbom ovog Pravilnika vrše prorektor za naučnoistraživački rad Univerziteta i prodekani za naučnoistraživački rad fakulteta Univerziteta.

Član 9.
(Stupanje na snagu Pravilnika)

Ovaj Pravilnik stupa na snagu danom donošenja.

UNIVERZITET U ZENICI
Broj: 01-02-1-2483/15
Datum: 15.07.2015. god.

Zamjenik predsjedavajućeg Senata
Univerziteta u Zenici

Prof. dr. Damir Kukić

Aneks 1. Izjava o autorstvu

IZJAVA O AUTORSTVU

Ja, _____, izjavljujem da je doktorski/magistarski rad pod naslovom _____ :

- rezultat sopstvenog istraživačkog rada;
- da navedeni rad u cjelini, ni u dijelovima, nije bio predložen za dobijanje bilo koje diplome prema studijskim programima drugih visokoškolskih ustanova;
- da su rezultati u radu korektno navedeni; te
- da nisam kršio/la autorska prava i koristio intelektualnu svojinu drugih lica.

U Zenici, _____

Potpis doktoranda/magistranta

Aneks 2. Izjava o istovjetnosti štampane i elektronske verzije rada

IZJAVA O ISTOVJETNOSTI ŠTAMPANE I ELEKTRONSKE VERZIJE DOKTORSKOG/MAGISTARSKOG RADA

Ime i prezime autora _____

Naziv studijskog programa _____

Naslov rada _____

Mentor rada _____

Ja, _____, izjavljujem da je štampana i ukoričena verzija moga doktorskog/magistarskog rada, pod naslovom _____ istovjetna elektronskoj verziji koju sam predao/la za objavljivanje na Repozitoriju Univerziteta u Zenici/Repozitoriju _____ fakulteta Univerziteta u Zenici.

Dozvoljavam da se objave moji lični podaci vezani za stjecanje akademskog zvanja doktora nauka/magistra nauka, kao što su ime i prezime, te datum odbrane rada.

Ovi lični podaci mogu se objaviti na mrežnim stranicama digitalne biblioteke, u elektronskom katalogu i u publikacijama Univerziteta u Zenici.

U Zenici, _____

Potpis doktoranda/magistranta

Aneks 3. Izjava o korištenju

IZJAVA O KORIŠTENJU

Ja, _____, ovlašćujem / ne ovlašćujem Univerzitet u Zenici/ _____ fakultet Univerziteta u Zenici da ima pravo činjenja dostupnim javnosti moj doktorski/magistarski rad, pod naslovom _____ koji je moje autorsko djelo. Shodno tome, rad će biti / neće biti pohranjen i učinjen dostupnim javnosti u digitalnom Repozitoriju Univerziteta u Zenici / Repozitoriju _____ fakulteta Univerziteta u Zenici.

Doktorski/magistarski rad, sa svim priložima, predao/la sam u elektronskom formatu pogodnom za trajno arhiviranje.

Za svaku eventualnu zloupotrebu rada učinjenu od strane trećih lica Univerzitet u Zenici nije odgovoran.

U Zenici, _____

Potpis doktoranda/magistranta